

BASES DA CONVOCATORIA PARA A CONCESIÓN DE SUBVENCÍONS, EN RÉXIME DE CONCORRENCIA NON COMPETITIVA, A CLUBS DEPORTIVOS DO CONCELLO DE MONFORTE QUE PARTICIPEN EN CAMPIONATOS DE ESPAÑA, DE EUROPA OU DO MUNDO ENTRE O 14.10.2025 E O 13.10.2026

O Concello de Monforte pretende apoiar aos clubs deportivos da localidade que se atopen inscritos no Rexistro Municipal de Asociacións, que participen, entre o 14.10.2025 e o 13.10.2026, nalgún campionato de España, de Europa ou do mundo propio da modalidade deportiva, fomentando deste xeito o ámbito deportivo – competitivo do deporte.

1. OBXECTO E RÉXIME DA SUBVENCIÓN:

O obxecto da presente convocatoria e a ordenación do procedemento aplicable para a concesión de subvencións, en réxime de **concorrenncia non competitiva**, a clubs deportivos do Concello de Monforte que participen en Campionatos de España, de Europa ou do mundo propios da súa modalidade deportiva. A elección deste procedemento vén motivada pola propia natureza das subvencións, xa que a súa condición unicamente a determina o cumprimento por parte das entidades solicitantes dos requisitos establecidos na convocatoria. Esta convocatoria ten por finalidade o fomento e a promoción do deporte monfortino no seu ámbito deportivo – competitivo.

Será obxecto deste procedemento de subvencións financiar os gastos ocasionados pola participación de clubs deportivos do Concello de Monforte en campionatos de España, de Europa ou do mundo entre o 14.10.2025 e o 13.10.2026

Estas subvencións outórganse polo procedemento de concorrenncia non competitiva, consonte ao disposto no artigo 19.2º da Lei 9/2007, do 13 de xuño, de subvencións de Galicia, entre as solicitudes presentadas que reúnan os requisitos establecidos dado que, polo obxecto e finalidade da subvención, non é necesario realizar a comparación e prelación entre as solicitudes presentadas nun único procedemento ata o esgotamento do crédito orzamentario previsto. As solicitudes de subvención presentadas en prazo e cos requisitos establecidos nestas bases, tramitaranse e resolveranse por orde de entrada da solicitude no rexistro.

Xustifícase a excepcionalidade de non ser necesaria a comparación das solicitudes entre si, en que o que se valora e o cumprimento dunhas circunstancias particulares, que non son outras que a participación nun campionato de España, de Europa ou do mundo. Así mesmo, a concorrenncia non competitiva é o mecanismo que permite que as solicitudes poidan ser atendidas en todo momento, mantendo a posibilidade de solicitude aberta de maneira continuada.

2. BENEFICIARIOS:

Poderán solicitar as subvencións reguladas na presente convocatoria as asociacións e clubs deportivos legalmente constituídos, que estean inscritos no Rexistro Municipal de Asociacións Deportivas, que teñan a seu domicilio social no Concello de Monforte de Lemos e que cumpran, ademais dos sinalados no artigo 13 da Lei 38/2003, de 17 de novembro, Xeral de Subvencións, e no art. 10 da Lei 9/2007, do 13 de xuño, de Subvencións de Galicia, os seguintes requisitos:

- a) Carecer de ánimo de lucro.

- b) Non ser debedor co Concello por calquera tipo de débeda de dereito público (será comprobado de oficio pola administración).
- c) Non ser debedor coa Facenda estatal ou autonómica e estar ao corrente das obrigas coa Seguridade Social.
- d) Non estar incurso en prohibicións para obter a condición de beneficiario de subvencións públicas
- e) Ter xustificado debidamente as subvencións municipais recibidas con anterioridade nos termos que se fixasen nas correspondentes convocatorias.
- f) Ter participado entre o 14.10.2025 e o 13.10.2026, ben polo club ou por deportistas integrantes do club que participen coas correspondentes seleccións de ámbito galego ou nacional, nalgún campionato de España, de Europa ou do mundo propio da modalidade deportiva.

3. CONTÍA E LÍMITES DAS SUBVENCIÓNS:

As contías establecidas son as seguintes:

- MODALIDADES DEPORTIVAS DE EQUIPO (fútbol, voleibol, baloncesto, etc.):

| | |
|--|------------|
| Participación nun campionato de España | 1.000,00 € |
| Participación nun campionato de Europa organizado en España | 1.000,00 € |
| Participación nun campionato de Europa organizado fora de España | 1.500,00 € |
| Participación nun campionato do mundo organizado en España | 1.000,00 € |
| Participación nun campionato do mundo organizado fora de España | 2.000,00 € |

- MODALIDADES DEPORTIVAS INDIVIDUAIS (natación, piragüismo, etc.):

| | |
|--|--|
| Participación nun campionato de España | 200,00 € por deportista ata un máximo de 1.000 € |
| Participación nun campionato de Europa organizado en España | 200,00 € por deportista ata un máximo de 1.000 € |
| Participación nun campionato de Europa organizado fora de España | 300,00 € por deportista ata un máximo de 1.500 € |
| Participación nun campionato do mundo organizado en España | 200,00 € por deportista ata un máximo de 1.000 € |
| Participación nun campionato do mundo organizado fora de España | 400,00 € por deportista ata un máximo de 2.000 € |

Os interesados poderán presentar ata tres solicitudes de subvención, sempre e cando sexan pola participación en campionatos de diferente ámbito xeográfico ou territorial (España, Europa, mundial). No caso de que un club participe en varios campionatos do mesmo ámbito xeográfico ou territorial, poderá presentar unha única solicitude.

4. GASTOS SUBVENCIONABLES:

Os gastos subvencionables serán os seguintes:

- Federativos (canons federativos, inscricións en competición, etc.).

- Gastos de desprazamentos para a participación nas competicións deportivas obxecto da presente convocatoria (quedan excluídos os gastos de combustible cando o vehículo non estea matriculado a nome do Club Deportivo).

Enténdense por gastos de desprazamentos aqueles que teñan os clubs deportivos con motivo da asistencia a competicións fora do ámbito municipal obxecto da presente convocatoria, do tipo de:

- Gastos de transporte
- Gastos de hoteis e manutención

Será preciso acreditar a relación entre o gasto e a competición obxecto deste.

Os gastos subvencionables corresponderán ao período comprendido entre o 14.10.2025 e o 13.10.2026. Deberá terse efectuado e pagado nese período.

5. COMPATIBILIDADE:

As subvencións concedidas ao abeiro destas bases poderán ser concorrentes con subvencións doutras administracións ou entes públicos ou privados, sen prexuízo de lle comunicar ao órgano concedente a súa obtención. O importe total das subvencións en ningún caso poderá ser de tal contía que, illadamente ou en concorrencia con outras subvencións, ingresos ou recursos, supere o gasto realizado polo beneficiario. Esta circunstancia deberá ser acreditada polo beneficiario conforme ao establecido nas bases desta convocatoria.

6. APLICACIÓN ORZAMENTARIA:

Para o financiamento destas subvencións destínase un crédito máximo de 12.000,00 euros que se imputará á aplicación 3410.480.13 do Orzamento municipal do ano 2026.

7. SOLICITUDE E DOCUMENTACIÓN A ACHEGAR:

Os interesados deberán presentar a seguinte documentación:

- 1- Modelo de solicitude **Anexo-1**
- 2- Memoria explicativa **Anexo-2**
- 3- Orzamento de gastos financiáveis **Anexo-3**
- 4- Declaración responsable **Anexo-4**
- 5- Relación de axudas solicitadas e/ou concedidas para os mesmos fins **Anexo-5**
- 6- Acreditación de representación **Anexo-6**
- 7- Copia do NIF en vigor da persoa física que actúe en representación da entidade solicitante.

8- Certificación federativa na que conste a participación do club, ou de deportistas do club coas súas respectivas seleccións, no Campionato de España, de Europa ou do mundo, que conteña os seguintes datos:

- Nome do campionato
- Nome e categoría de idade do equipo (en modalidades colectivas) ou dos/as deportistas participantes (en modalidades individuais)
- Lugar de celebración
- Data/as de celebración
- Resultados obtidos

8. LUGAR E PRAZO DE PRESENTACIÓN:

A instancia coa restante documentación solicitando a subvención presentárase obrigatoriamente a través de medios electrónicos tal e como se establece na Lei 39/2015, de 1 de outubro, do Procedemento Administrativo Común das Administracións Públicas.

O prazo de presentación de solicitudes comezará ao día seguinte da publicación do anuncio de aprobación das presentes bases no Boletín Oficial da Provincia e finalizará o 13 de outubro de 2026.

Se as solicitudes presentadas non reúnen os requisitos sinalados, requiríraselles aos interesados para que no prazo máximo e improrrogable de dez días emenden as anomalías advertidas, de non facelo teráse por desistido da súa solicitude.

Sen prexuízo do establecido no apartado anterior, poderá requirirse ao solicitante para que aporte aqueles datos, documentos complementarios ou aclaracións que resulten necesarios na tramitación e resolución do procedemento.

9. INSTRUCCIÓN:

A instrución do procedemento de concesión de subvencións correspóndelle á Concellería de Deportes, que realizará, de oficio, cantas actuacións estimen necesarias para a determinación, coñecemento e comprobación dos datos en virtude dos cales se debe formular a proposta de resolución de cada unha das solicitudes.

10. RESOLUCIÓN:

A Xunta de Goberno Local, á vista da proposta de resolución definitiva de cada solicitude, resolverá o procedemento.

A resolución de concesión de subvención comprenderá a identificación do beneficiario e a contía da subvención.

Na resolución denegatoria da axuda farase constar o motivo da denegación.

O prazo máximo para resolver e notificar a resolución do procedemento será de tres (3) meses, contados dende a data de presentación da solicitude ou, no seu caso, da emenda.

Se transcorre o prazo sen que recaia resolución expresa, os interesados poderán entender desestimadas as súas solicitudes por silencio administrativo, de conformidade co artigo 23.5 da Lei 9/2007, de 13 de xuño, de subvencións de Galicia.

11. ACEPTACIÓN DA SUBVENCIÓN E COMPROMISOS:

A subvención entenderase aceptada polo solicitante se dentro do prazo de 10 días seguintes á recepción da comunicación da concesión, non manifesta nada en contra.

Os beneficiarios das subvencións, unha vez aceptadas, quedarán obrigados a destinar os fondos concedidos para o obxecto concreto para o que foron concedidas.

Os beneficiarios, ademais de realizar a actividade que fundamenta a concesión da subvención nos prazos sinalados, someterase ás actuacións de comprobación e seguimento da aplicación da subvención e facilitará canta información lle sexa requirida.

12. RECURSOS:

Contra a resolución definitiva, que esgota a vía administrativa, os interesados poderán interpor recurso potestativo de reposición perante a Xunta de Goberno Local, no prazo dun mes, se o acto foi expreso ou de tres meses se o acto é presunto, ou ben directamente o recurso contencioso-administrativo, no prazo de dous meses, perante Xulgado do Contencioso-Administrativo de Lugo.

13. OBRIGAS DOS BENEFICIARIOS:

As xerais recollidas na Ordenanza Xeral de Subvencións do Concello e na Lei Xeral de Subvencións (artigos 10 e 14 respectivamente).

14. FORMA E PRAZO DE PAGAMENTO DA SUBVENCIÓN:

O pago realizarase mediante transferencia bancaria, previa presentación do certificado bancario con número da conta do titular e xustificación nos termos sinalados no punto 13 destas bases.

Non poderá realizarse o pago da subvención mentres o beneficiario non se atope ao corrente no cumprimento das súas obrigas tributarias ou coa Seguridade social ou sexa debedor por resolución de procedencia de reintegro.

15. XUSTIFICACIÓN:

A xustificación da subvención será ata o día 27 de novembro de 2026 incluído.

Documentación xustificativa a presentar: a xustificación do cumprimento das condicións impostas e da consecución dos obxectivos previstos no acto de concesión da subvención realizarase mediante a presentación da conta xustificativa. A rendición da conta xustificativa constitúe un acto obrigatorio que deberá comprender o seguinte:

- 1- Solicitud de pago da subvención **Anexo-7**
- 2- Declaración do custe total da participación no campionato, indicando os importes de financiamento **Anexo-8**
- 3- Relación clasificada dos gastos pola participación no campionato (custo total), con identificación do acredor e documento, importe, data de emisión e, no seu caso, data de pagamento. (Será necesario relacionar todas as facturas que suman o custo total da

participación o campionato). Soamente será necesario indicar as datas de pagamento das facturas ata o importe da subvención concedida. **Anexo-9.** Todas as facturas que se presenten deberán conter os datos que esixe o Real Decreto 1619/2012, do 30 de novembro, polo que se aproba o Regulamento que regula os deberes de facturación, segundo os artigos 6 e 7.

- 4- Relación de axudas solicitadas e/ou concedidas para os mesmos fins **Anexo-10**
- 5- Xustificación do gasto subvencionado mediante a presentación de facturas ou documentos de valor probatorio equivalente no tráfico xurídico mercantil ou con eficacia administrativa e, no seu caso, a respectiva certificación federativa, por importe igual ou superior á subvención concedida.

Só se admitirán facturas emitidas por gastos realizados entre o 14.10.2025 e o 13.10.2026

- 6- Acreditación do pago das facturas ou documento de valor probatorio: o pagamento das facturas ou documentos de valor probatorio equivalente no tráfico xurídico mercantil ou con eficacia administrativa, deberase facer tendo en conta que segundo o establecido no artigo 7 da lei 7/2012, de 29 de outubro, de modificación da normativa tributaria e orzamentaria e de adecuación da normativa financeira para a intensificación das actuacións na prevención e loita contra o fraude, non poderán pagarse en efectivo as operacións, nas que algunha das partes que interveñen actúe en calidade de empresario ou profesional cun importe igual ou superior ou superior a 1.000,00 € ou o seu contravalor en moeda estranxeira. A efectos do cálculo da contía sinalada, sumaranse os importes de todas as operacións ou pagos en que se puido fraccionar a entrega de bens ou a prestación de servizos. Entenderase por efectivo os medios de pago definidos no artigo 34.2 da Lei 10/2010, de 28 de abril, de prevención do branqueo de capitais e de financiamento do terrorismo, isto é, o papel moeda e a moeda metálica, nacional ou estranxeira, os cheques bancarios ó portador denominados en calquera moeda e calquera outro medio físico, incluídos os electrónicos, deseñado para ser utilizado como medio de pago ó portador.

Cando unha factura ou documento de valor probatorio equivalente se pague en efectivo deberá constar na mesma a expresión “Recibín en efectivo en data _____” asinado polo receptor, con identificación do mesmo (NIF, nome e apelidos).

- 7- Certificacións de estar ao corrente das súas obrigas fiscais coa Facenda estatal e autonómica, así como coa Seguridade Social. O Concello comprobará de oficio que a Asociación se atopa ao corrente das súas obrigas tributarias coa facenda local. No obstante, se é o caso, terase en conta o artigo 24.4 do R.D. 887/2006, de 21 de xullo, polo que se aproba o Regulamento da Lei 38/2003, de 17 de novembro, Xeral de Subvencións, segundo o cal poderán acollerse á simplificación da acreditación do cumprimento das obrigas tributarias e coa Seguridade Social aquelas subvencións nas que a súa contía a outorgar a cada beneficiario non supere na convocatoria o importe de 3.000,00 €.

Para esta última situación deberase presentar unha declaración responsable, (que substituirá á presentación das certificacións previstas no artigo 22 do mencionado Real Decreto. **Anexo-11**

- 8- No caso de que se presenten como xustificantes de gasto, facturas de combustible, estas deberán estar a nome do club solicitante e, ademais, deberá presentarse a seguinte documentación:
- Acreditación da titularidade do vehículo propiedade do club ou entidade solicitante.
 - Declaración responsable de que os gastos de combustible do vehículo de titularidade acreditada da entidade solicitante, foron utilizados expresamente para o transporte de deportistas e/ou elementos e aparellos imprescindibles para a participación no campionato obxecto da solicitude de subvención. **Anexo-12**
- 9- Documento emitido pola entidade bancaria, no que se indique o número de conta no que se procederá ó abono da correspondente subvención.

16. REINTEGRO DE SUBVENCÍONS:

Procederá o reintegro das cantidades percibidas nos seguintes casos:

- a) Obtención da subvención falseando as condicións requiridas para a concesión ou ocultando aquelas que o impedisen.
- b) Incumprimento total ou parcial do obxectivo, da actividade, do proxecto ou a non adopción do comportamento que fundamenta a concesión da subvención.
- c) Incumprimento da obriga de xustificación ou a xustificación insuficiente.
- d) Resistencia, escusa, obstrución ou negativa ás actuacións de comprobación e control financeiro.
- e) Incumprimento das obrigas impostas pola administración, así como dos compromisos asumidos polos beneficiarios das subvencións, sempre que afecten ou se refiran ao obxecto da subvención.
- f) A adopción dunha decisión da cal se derive a necesidade de reintegro.

17. DISPOSICIÓN ADICIONAL:

No non previsto nas presentes bases estarase ao disposto na Ordenanza Xeral reguladora da concesión de subvencións municipais, bases de execución do orzamento municipal, na Lei 38/2003, do 17 de novembro, Xeral de Subvencións, no Real Decreto 887/2006, de 21 de xullo, polo que se aproba o Regulamento da Lei 38/2003, de 17 de novembro, Xeral de Subvencións, e na Lei 9/2007, do 13 de xuño, de Subvencións de Galicia.



CONCELLO DE
MONFORTE
DE LEMOS